

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

DANIAE

REGNI

Politicius status.

DANIA Regnum amplius & valde populosum, vulgo Danemarchia quasi tractus, sive regio Danorum appellatur. Quæ autem horum Danorum fuerit origo, ne Danis quidem ipsis satis constat: nisi quod quidam à Dano ipsorum Rege primo: & aliqui à Dáhis Asiae populo eam repeatant. Dudo autem de S. Quintino scriptor antiquus, Guilielmo Camdeno referente, eos è Scandia in Cimbrorum veteres sedes devenisse assertit, Videntur autem ab aquis dicti: quia A H A apud illos fluvium significat & ipsi se Danemam quasi viros aquaticos & fluviales vocant. Est sane tota Dania pene insularis, ut descrip-
tio ostendit.

1.

Distincta autem est in vniuersum Dania, in præfecturas centum octogintaquatuor, quæ HÆ-
RET vocantur, & à totidem præfectis legum Danicarum peritis administrantur. Habet Regem
magis ex Procerum electione, quam ex nativitatis successione: Eius eligendi vetus mos erat, vt cum
suffragia ferrent, in aperto campo lapidibus insisterent, eo facto nempe, subiectorum lapidum fir-
mitate constantiam electionis designantes. Iam vero coronantur Reges Hafniæ in Ecclesia D. Ma-
riæ ante altare, & in Ecclesiam prædictam à senatoribus Regni ducuntur, insignia Regia illis præfe-
runtur, vt sunt enses, globus, corona. Neque hæc sunt proprijs familijs attributa, vt in reliquis fere
regnis, sed vt quisque virtute ac dignitate præcellit, ei muneri adhibetur. Postea cogitur Rex iura-
re articulos præscriptos, qui in vsu ante aliquot tempora fuerunt, se stricte seruaturum & religionē
Christianam, iura ac consuetudines regni defensurū. Deinceps vngitur ab Episcopo Roeschildenſi
& ab omnibus Senatoribus, primo illi corona imponitur, qui Māti. suæ tunc iuramentum præstant,
si ante coronationem non fuerit factum. Rex postea ex nobilitate & proceribus milites aut equites
auratos leni percussione ensis designat, qui antea in bello aut pace egregiam operam præstiterunt.
Et sic maiores Danorum optimum politiæ statum & monarchiam constituerunt, nec vlla vñquam
natio illos plane subegit, vel patrios ritus & priuilegia sustulit. At è contra populi septentrionales,
vt Dani, Sueci ac Norvagienses totam pene Europam deuastarunt, in nonnullisque locis regna
constituerunt. Nota est enim omnibus historiographis Cymbrorum in Italiam expeditio, Gotho-
rum Hispaniæ subactio, Longebardorum regni in Italia constitutio, Normannorum in Gallia ha-
bitatio, Regni Neapolitani & Siciliæ erectio, Gotfridi contra Carolum magnum in Frisiæ erup-
tio, Anglorum per aliquot annos subiectio. Canutus etiam magnus quinque Imperia tenuit, Rex
enim Dāniæ, Sueciæ, Norvagiæ, Angliæ & Normanniæ fuit, nec non Henrici 3. Imperatoris sacer
unde hi versus extant.

3.

4.

Desine mirari quos garrula landibus effert
Gracia, quos iactat Roma superba, Duces.
Danica non ulli veterum virtute secundum
Edidit, hyberno terra propinqua freto.
Facta mibi Magni peperunt inclita nomen:

Quinque sub Imperio Regna fuere meo.
Me sibi delegit sacerum, qui tertius orbis
Arbiter, Henricus nomine sceptræ tulit.
Instituta præclarus eram, regesq; potentes
Subiectos docui legibus esse suis.

Ex quibus constat, ut etiæ ex sequentibus bellis, quæ varie Reges ex Oldenburgensi familia, summa
cum felicitate gesserunt, gentem esse bellicosissimam, populosisimam & terra mariq; in profi-
gandis hostibus fœlicissimam. Liberam habuerunt semper Proceres ac Senatores regni potestatem
eligendi reges ut adhuc habent, sed plerumque filium Primogenitum designarunt, nisi causis suffi-
cientibus impedirentur, nihilominus tamen à familiæ linea regum non deflexerunt. Regnum di-
vidi nisi coacti aliquo intestino bello non permiserunt. Iuniores filios aut fratres in alias provin-
cias ablegarunt, cum participes Regni fieri non possent. Inde tot expeditiones suscep-
tæ cum etiam nobiles ac plebeji omnes in patria honestum locum habere non possent, vel ut loca aptiora & opor-
tuniora adipiscerentur. Septentrionales enim populi sunt multarum prolium, propter sanguinis
abundantiam ac caliditatem, pugnaces ac rixosi, plurimum comedunt & bibunt (Aer enim frigidus
appetitum excitat) optimè concomitant, propterea etiam diu vivunt, formosi, longæ statura, sagaces
ac fidei tenaces. Hos vivaces esse argimento est quod Reges ipsorum valde diu regnis præfuerint,
multi 30. annos, nonnulli ultra 40. aliqui adhuc diutius.

6.

7.